

## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan.  
Suffren, Juliani Hayneufve, Et Antonii Gaudier, &c. E Societate Jesu, In  
Dominicas, Festa & ferias totius Anni digesta. Cum Indicibus duobus. I. In  
singulos dies. II. Ad Exercitia Spiritualia

**Puente, Luis de la**  
**Dilingæ, 1685**

27. De alapa in domo Annæ.

---

[urn:nbn:de:hbz:466:1-60588](#)

## MEDITATIO XXVII.

*Alapam accipit, & amandatur ad  
Caipham Pontificem.*

## PUNCTUM PRIMUM.

**V**NUS assistens ministrorum dedit alapam *je.* Alapæ  
*su,* dicens, *sic respondes Pontifici!* 1. Fuit crudelis alapa, quippe à furente, & assentante domino suo. 2. Valde ignominiosa in tali confessu, & ei homini, qui haec tenus fuerat veneratio omnibus, quam & insita vultui majestas conciliabat. 3. Calumniosa pro justissimo ac prudentissimo responso. 4. inde etiam acerba, quod aliorum plausu excepta, causamque præbuit ut alij in Christum talia auderent. O facies decora, in quam desiderant Angeli prospicere! en ut erubescis tum à plaga, tum ab in nato pudore ob maximam confusione!

crude  
litas.  
1.  
2.3.  
4.

## PUNCTUM II.

**R**esponebit *Jesus:* si malè locutus sum testi monium perhibe de malo: si autem bene, *Ioan. 18. 23.* quid me cædis? satisfacere voluit, ne videretur injuria affecisse Pontificem. Respondit autem mansuetè & modestè, absque ullo signo turbationis? sic autem efficaciter, ut nihil replicarent; nec tamen ejus defensio locum invenit. Ut ego non turber, quando mihi simile continget, ut rationes, vel excusationes non recipiantur.

F 3

PUN-

## PUNCTUM III.

**M**isit Anna Jesum ligatum ad Caipham, ad quem, ut Pontificem, res propriè pertinebat. Ligatum misit, ut antea, vel etiam magis pro majori cautela: sed quò stringebatur artius, eo charitas illius dilatabatur amplius, ad plura ferenda propter nos.

Ductus est, ut priùs tumultuosè prodeuntibus etiam ex domibus spectatoribus, séque turbae adjungentibus & colludentibus. Interea Jesus solita pace, & patientia ferebat omnia, & offerebat pro salute ipsorummet.

## MEDITATIO XXVIII.

*Triplex negatio Petri.*

## PUNCTUM PRIMUM.

*Matt. 26. 58.* **P**etrus sequebatur Iesum à longè, & ingressus cum alio discipulo atrium Pontificis, accedens ad alios ministros, calefaciebat se, quia frigus erat.

**Lapsus Petri** hīc quasi progressus fuit, 1. sequebatur à longè: refixerat, in anima ejus amor, unde notavit Evangelista, quia frigus erat.  
 2. ingressit se in occasionem, præfidens sibi.  
 3. Oblivioni tradidit prædictionem Christi. Cavebo diligenter ista. Ille alias discipulus (qui putatur Joannes) non negavit, præcipue Deo protegente: sed & quod non ita præsume-

ret